



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1100. Usque Ad Annum 1143

**Fleury, Claude**

**August. Vind. [u.a.], 1762**

**VD18 90117999**

§. 29. Algerus. Ejusdem Scripta.

---

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

puerulum Deo a parentibus oblatum, S. Sæcul. XII.  
 Hugo Abbas, jam morti proximus, ad A. C. 1122.  
 Sacram professionem receperat. Inde  
 Prior Veselii constitutus, annum vitæ  
 circiter trigessimum numerabat, cum ad  
 regendam Abbatiam Cluniacensem as-  
 sumptus est, cui annis ferme triginta  
 quinque præfuit. Is sub nomine Petri  
 Venerabilis notissimus est.

## §. XXIX.

*Algerus. Ejusdem Scripta.*

Sub idem tempus, quo Petrus Abbas Elog. I. And.  
 Cluniacensis electus est, Algerus, ce- lect. p. 303.  
 lebris Scriptor, in eodem loco mona-  
 chum induit. Is ab Infantia totum se  
 literarum studiis tradidit, sub clarissimis  
 viris, quorum scientia & moribus tunc Mabil. præf.  
 temporis Ecclesia Leodiensis fulgebat. 2. 2. 6. n. 60.  
 Primo in Ecclesia S. Bartholomæi, gradu  
 Diaconus, Deo militavit, deinde ad Ec-  
 clesiam Cathedralē ab Oberto Episco-  
 po translatus, annis ferme viginti sub hoc  
 Episcopo, & Friderico, qui ei anno mil-  
 lesimo centesimo decimo octavo succes-  
 sit, egregie ministravit, & illo temporis  
 spatio ad expedienda negotia Ecclesiasti-  
 ca complures & insignes epistolas con-  
 scripsit, quæ, initio magna cura custodi-  
 tæ, ad nos tamen non pervenerunt.  
 Nec illa collectio, quam de Antiquitati-  
 bus

Sæcul. XII. bus Ecclesiæ Leodiensis literis mandave-  
 A.C. 1122. rat, ætatem tulit.

Nullum autem Scriptum Algerus clarior-  
 rem nominis famam adeptus est quam  
 nobili & sublimi Tractatu de Evcharistia,  
 adversus varios errores, qui circa fidem  
 de Sacramento Augusto irrepserunt. *Alii*  
*qui enim, inquit, panem & vinum tam*  
*parum mutari dicunt, quam aquam in Ba-*  
*ptismo. Alii credunt dari Impanationem,*  
*& Jesum Christum ita in pane existere,*  
*quemadmodum Verbum est in Carne per*  
*Inarnationem. Alii putant, panem &*  
*vinum non in carnem & sanguinem Jesu*  
*Christi, sed cujuscunque hominis, Deo ac-*  
*cepti, mutari. Alii affirmant, Presbyte-*  
*ros indignos Corpus Christi non consecra-*  
*re. Alii arbitrantur, Corpus Jesu Chri-*  
*sti illis, qui indigne communicant, in Sa-*  
*cramento non remanere. Alii tandem*  
*contendere non erubescunt, Corpus Domi-*  
*ni obscenis digestionis effectibus esse obno-*  
*xium. Algerus errores singulos solide re-*  
*futat, & totam de Evcharistia materiam*  
 doctissime pertractat. (\*)

Alte.

(\*) Ex Tractatu Algeri, Ordinis S. Benedicti,  
 contra Protestantem, constans Ecclesiæ Catholi-  
 cæ Fides de reali Christi Domini in Evcharistia  
 præsentia probatur. Ex parte alia dignoscimus,  
 quam fæde illi omnes aberrent, qui, proprium  
 sequen-

Alterum quoque Opus composuerat, Sæcul. XII. A.C. 1122.  
 cui Titulus de Misericordia & Justitia; in eo docebat, qua ratione Sacrorum Canonum rigor temperandus esset, aliique Canones ex aliis explicandi, quando in Ecclesia improbi tolerandi, quando peccatores corripiendi, vel excommunicati vitandi. Hoc Scriptum necdum typis editum est.

Ceterum Algerus nunquam vel ambitionis vel avaritiæ stimulis cessit; nam cum complures Episcopi Saxonix & totius Germanix, quia subtilis Philosophus & clarissimus Theologus ubique audiebat, ei copiosos census, & eximias Dignitates obtulissent, ipse fortunam mediocrem & vitam privatam, jucundam tamen & commodam honoribus præposuit. Tandem Friderico Episcopo Leodiensi, anno millesimo centesimo vigesimo primo, satis functo, istud etiam licet dulcè vitæ genus relinquens, in Monasterio Cluniacensi institutum S. Benedicti amplexus

sequentes iudicium, ab infallibili Romano-Catholicæ Ecclesiæ Regula desectunt. Itaque cum nec Lutherus, nec alii Novatores, eorumque Sectatores meliore aut certiore Regula, quam antiquiores isti Hæretici non sint instructi, hos quoque in errores de Sanctissima Eucharistia, maxime noxios, delabi necesse fuit.

*Hist. Eccles. Tom. XVI.*      K k

Sæcul. XII. plexus est. Monachum professus ceteris fratribus simplici humilitate, vitæ puritate, & morum mansuetudine præulxit, atque anno exinde decimo, Incarnationis Dominicæ millesimo centesimo trigesimo primo sancte obiit.

A.C. 1122.  
 Petr. Clun.  
 III. ep. 2.

§. XXX.

*Paçta de Investitura inita.*

*Ab. Uysper. Pandulf.* Episcopus Spirensis & Abbas Fuldensis, ut diximus, pacis reducendæ causâ, Romam missi, in Germaniam reversi sunt, cum tribus Cardinalibus Legatis Pontificiis, Lamberto Episcopo Ostiensi, Saxone Presbytero, Titulo S. Stephani in monte Cælio, & Gregorio Diacono, Titulo S. Angeli, quos Papa, Cardinalibus & omnibus Italiæ Episcopis id suadentibus, redeuntibus comites dederat. Indicta quidem sunt Comitia generalia Herbipoli celebranda, sed absente Imperatore nihil actum. At tandem conventum Wormatiæ, mense Septembri ad Festum Nativitatis Beatæ Virginis, ubi postquam plus quam integro octiduo disceptatum est, pacis fœdera inire statuitur, chartæ committitur Scriptum, in quo Callistus Papa, sermone ad Henricum Imperatore directo, ait: *Concedo tibi, electiones Episcoporum & Abbatum Teutonici Regni, te præsentem fieri, absque Simonia & vi adhibita; ut si qua inter partes discor-*  
*dia*

to. 10. Cons.  
 p. 889.